

KinyaRwanda - Irari Ibyanditswe - Lust Scriptures

Iyimukamisiri 15:9 “Umubisha yaravuze ati ‘Ndabakurikira mbafatire, nyage iminyago nyigabane, Nzabimarisaho agahinda, Nzakura inkota, ukuboko kwanje kubarimbure.’

Iyimukamisiri 18:21 Kandi utoranye mu bantu bose abashoboye ubucamanza, bubaha Imana n'inyangamugayo, banga impongan. Ubahe ubutware bamwe batware igihumbi igihumbi, abandi ijana ijana, abandi mirongo itanu itanu, abandi icumi icumi.

Iyimukamisiri 20:14 Ntugasambane.

Iyimukamisiri 20:17 “Ntukifuze inzu ya mugenzi wawe, ntukifuze umugore wa mugenzi wawe, cyangwa umugaragu we cyangwa umuja we, cyangwa inka ye cyangwa indogobe ye, cyangwa ikindi kintu cyose cya mugenzi wawe.”

Ibarura 11:4 Abanyamahanga y'ikivange bari hagati y'Abisirayeli batangira kwifuza, Abisirayeli na bo bongera kurira, baravuga bati “Ni nde uzaduha inyama zo kurya?

Ivugururamategeko 5:21 “Kandi ntukifuze umugore wa mugenzi wawe. Ntukifuze inzu ya mugenzi wawe cyangwa umurima we, cyangwa umugaragu we cyangwa umuja we, cyangwa inka ye cyangwa indogobe ye, cyangwa ikindi kintu cyose cya mugenzi wawe.”

Ivugururamategeko 12:20 Uwiteka Imana yawe niyagura urugabano rwave, nk'uko yagusezeranje, nawe ukibwira uti “Ndarya inyama” kuko umutima wawe ushaka kuzirya, uzemererwa kuzirya, uko umutima wawe ushaka kose.

Ivugururamategeko 22:22 Umugabo nafatwa asambana n'umugore ufite umugabo bombi babice, umugabo n'umugore basambanye. Uko abe ari ko ukura ikibi mu Bisirayeli.

Yozuwe 7:21 nabonye mu minyago umwambaro mwiza wa Shinari, na shekeli z'ifeza magana abiri, n'umuhibma w'izahabu w'igipimo cya shekeli mirongo itatu, ndabyifuza mperako ndabyenda mbihisha mu gitaka, biri mu ihema ryanje hagati, n'ifeza iri munsi yabyo.

Zaburi 10:3 Kuko umunyabyaha yihimbariza ibyo umutima we wifuza, Kandi umunyazi yimura Uwiteka akamusuzugura.

Zaburi 78:18 Bagerageresha Imana imitima yabo, Bayigerageresha gusaba ibyokurya byo guhaza kwifuza kwabo.

Zaburi 78:30 Bari bataratandukana no kwifuza kwabo, Ibyokurya byabo byari bikiri mu kanwa kabu,

Zaburi 81:13 Nanje ndabareka ngo bakurikize kunangirwa kw'imitima yabo,

Bagendere mu migambi yabo.

Zaburi 106:14 Ahubwo bifuriza cyane mu butayu, Bageragereza Imana ahatagira abantu.

Zaburi 119:36 Uhindurile umutima wanje ku byo wahamije, Arikò si ku ndamu mbi.

Imigani 1:19 Uko ni ko inzira z'urarikira indamu wese zimeze, Iryo rari ryica bene ryo.

Imigani 6:25 We kwifusa ubwiza bwe mu mutima wawe, Kandi ntukunde ko akwicira ijisho.

Imigani 15:27 Urarikira indamu ateza urugo rwe imidugararo, Arikò uwanga impongano azarama.

Imigani 21:25,26 Umunyabute yicwa no kwifusa, Kuko yanga gukoresha amaboko ye. 26 Hariho uhorana uburura umunsi ukira, Arikò umukiranutsi aratanga ntiyimane.

Imigani 28:16 Umwami utagira ubwenge akunda kurenganya cyane, Arikò uwanga indamu mbi ni we uzarama.

Ezayi 56:11 Ni koko ni imbwa z'ibisambo zidahaga, ni abungeri batabasha kumenya, bose bateshuka inzira bajya mu yabo ubwabo, umuntu wese yishakira indamu mu buryo bwose.

Ezayi 57:17 Icyaha cye cy'umururumba ni cyo cyandakaje ndamukubita. Narihishe ndakaye, arikò akomeza gusubira inyuma mu ngeso zikundwa n'umutima we.

Yeremiya 6:13 Kuko uhoreye ku muto ukageza ku mukuru wo muri bo umuntu wese yitanze gushaka indamu mbi, uhoreye ku muhanuzi ukageza ku mutambyi, umuntu wese akora iby'uburiganya.

Yeremiya 22:17 Arikò amaso yawe n'umutima wawe bikurikiza kwifusa kwawe kubi gusa, no kuvusha amaraso atariho urubanza, no kurenganya no kugira urugomo.

Yeremiya 51:13 Yewe utuye ku mazi menshi, wagwije ubutunzi bwinshi, iherezo ryawe rirageze, rihwanye n'uburakari bwawe.

Ezekiyeli 6:9 Kandi abacitse ku icumu bo muri mwe bazanyibukira mu banyamahanga, aho bazaba bajanywe ari imbohe, bamenye uko namenaguwe n'imitima yabo irarikira yanyimuye, n'amaso yabo abenguka ibigirwamana byabo, kandi bazizinukwa babitewe n'ibibi bakoreye mu bizira byabo byose.

Ezekiyeli 14:4,5 "Nuko rero uvugane nabo ubabwire uti 'Uku ni ko Umwami Uwiteka avuga ngo: Umuntu wese wo mu nzu ya Isirayeli uzanye ibigirwamana bye akabigira no mu mutima, kandi ikibi kimugusha akagishyira imbere ye agasanga umuhanuzi, jye Uwiteka nzamusubiza muri byo nkurikije umubare w'ibigirwamana bye, 5 kugira ngo ab'inzu ya Isirayeli mbafatane ibiri mu mitima yabo, kuko bose banyimuye babitewe

n'ibigirwamana byabo.'

Ezekiyeli 22:12 Abakurimo bakiriye impongano kugira ngo bavushe amaraso, wemeye kwakira indamu y'ubuhensi n'inyungu zirenze urugero, kandi wabonye indamu kuri bagenzi bawe ubarenganje, ariko jye waranyibagiwe. Ni ko Umwami Uwiteka avuga.

Ezekiyeli 33:31 Maze bakagusanga nk'uko rubanda ruza, bakicara imbere yawe nk'ubwoko bwanje kandi bakumva amagambo yawe, ariko ntabwo bayakurikiza kuko berekanisha ururimi rwabo urukundo rwinshi, nyamara umutima wabo ukurikira inyungu yabo bombi.

Hoseya 4:12 Ubwoko bwanje bugisha inama ikigirwamana cyabwo kibajwe mu git, kandi inshyimbo yabwo ni yo ibuhanurira, kuko umutima w'ubumaraya wabuyobeje, bukagenda busambana, bukareka Imana yabwo.

Hoseya 5:4 Imirimo yabo ntizareka bagarukira Imana yabo; kuko barimo imitima y'ubumaraya, ntibamenye Uwiteka.

Mika 2:2 Kandi bifuza imirima bakayitwarira, n'amazu bakayigarurira. Bagirira nabi umuntu n'inzu ye, ndetse umuntu n'umwandu we.

Nahumu 3:4 ibyo byose byatewe n'ubusambanyi bukabije bwa maraya wakundwaga, umurozikazi w'umuuhanga ugura amoko ubusambanyi bwe, akagurisha n'imiryango uburozi bwe.

Habakuki 2:9 Azagusha ishyano ushakira inzu ye inyungu mbi kugira ngo yiayrikire icyari cye hejuru, ngo abone uko akira ukuboko k'umubi!

Matayo 5:28 Jyeweho ndababwira yuko umuntu wese ureba umugore akamwifuza, aba amaze gusambana na we mu mutima we.

Mariko 4:19 maze amaganya y'iyi si n'ibihendo by'ubutunzi, n'irari ryo kwifuza ibindi, iyo bibinjiye mu mutima biniga iryo jambo ntiryere.

Mariko 7:22 kwiba no kwica, kwifuza kubi no kugira nabi, uburiganya n'iby'isoni nke, ijisho ribi n'ibitutsi, ubwibone n'ubupfu.

Luka 3:14 N'abasirikare na bo baramubaza bat "Natwe tugire dute?" Arabasubiza ati "Ntimukagire umuntu muhongesha cyangwa ngo mumurege ibinyoma, kandi ibihembo byanyu bibanyure."

Luka 12:15 Arababwira ati "Mwitonde kandi mwirinde kwifuza kose, kuko ubugingo bw'umuntu butava mu bwinshi bw'ibantu bye."

Luka 16:14 Abafarisayo kuko bari abakunzi b'ubutunzi, bumvise ibyo byose baramukoba cyane.

Johani 8:44 Mukomoka kuri so Satani, kandi ibyo so ararikira ni byo namwe mushaka gukora. Uwo yahereye kera kose ari umwicanyi, kandi ntiyahagaze mu by'ukuri kuko ukuri kutari muri we. Navuga ibinyoma, aravuga ibye ubwe kuko ari umunyabinyoma, kandi ni se w'ibinyoma.

Ibyakozwe 20:33 Sinifuje ikintu cy'umuntu wese, ari ifeza cyangwa izahabu cyangwa imyenda.

Abanyaroma 1:24-29 Ni cyo cyatumye Imana ibareka ngo bakurikize ibyo imitima yabo irarikiye, bakor ibiteye isoni bononane imibiri yabo, 25 kuko baguraniye ukuri kw'Imana gukurikiza ibinyoma, bakaramya ibyaremwe bakabikorera kubirutisha Imana Rurema, ari yo ishimwa iteka ryose, Amen. 26 Ni cyo cyatumye Imana ibarekera kurarikira ibyonona, ndetse bigeza ubwo abagore babo bakoresha imibiri yabo uburyo bunyuranye n'ubwo yaremewe. 27 Kandi n'abagabo ni uko, bareka kugirira abagore ibyo imibiri yabo yaremewe, bashyushywa no kurarikirana. Abagabo bagirirana n'abandi bagabo ibiteye isoni, bituma mu mibiri yabo bagarurirwa ingaruka mbi ikwiriye kuyoba kwabo. 28 Kandi ubwo banze kumenya Imana, ni cyo cyatumye Imana ibareka ngo bagire imitima yabaye akāhebwe bakora ibidakwiriye. 29 Buzuye gukiriranwa kose n'ububi, no kurarikira n'igomwa, buzuye n'ishyari n'ubwicanyi, n'intonganya n'ubugambanyi no gukina ku mubyimba, no gusebaniriza mu byongorerano,

Abanyaroma 6:12 Noneho ntumukimike ibaya mu mibiri yanyu izapfa, ngo mwumvire ibyo irarikira.

Abanyaroma 7:7 Nuko rero tuvuge iki? Amategeko ni icyaha? Ntibikabeho! Icyakora simba naramenye icyaha iyo ntakimenyeshwa n'amategeko, kuko ntaba naramenye kwifuza iyaba amategeko atavuze ngo “Ntukifuze.”

Abanyaroma 13:9 kuko ibi ngo “Ntugasambane, ntukice, ntukibe, ntukifuze” n'ayandi mategeko yose, bihurira muri iri jambo ngo “Ukunde mugenzi wawe nk'uko wikunda.”

Abanyaroma 13:14 Ahubwo mwambare Umwami Yesu Kristo, kandi ntumuhe urwaho imibiri yanyu ngo ibone uko ikora ibyo yifuza.

1 **Abanyakorinti 5:10,11** Arikò sinavuze yuko mudaterana rwose n'abasambanyi bo mu b'iy'isi, cyangwa abifuza ibibi cyangwa abanyazi cyangwa abasenga ibishushanyo, kuko iyo biba bityo mwari mukwiriye kuva mu isi. 11 Ahubwo none nabandikiye ko mutifatanya n'uwitwa mwene Data, niba ari umusambanyi cyangwa uwifuza ibibi, cyangwa usenga ibishushanyo cyangwa utukana, cyangwa umusinzi cyangwa umunyazi, umeze atyo ntumugasangire na we.

1 **Abanyakorinti 6:9,10** Ntimuzi yuko abakiranira batazaragwa ubwami bw'Imana? Ntimwishuke. Abahehesi cyangwa abasenga ibishushanyo cyangwa abasambanyi, cyangwa ibitingwa cyangwa abagabo bendana, 10 cyangwa abajura cyangwa abifuza, cyangwa abasinzi cyangwa abatukana cyangwa abanyazi, bene abo ntibazaragwa ubwami bw'Imana.

1 **Abanyakorinti 10:6** Arikò ibyo byababereyeho kugira ngo bitubere akabarore, ngo tutifuza ibibi nk'uko bo babyifuje.

1 **Abanyakorinti 12:31** Arikò nimwifuze cyane impano ziruta izindi. Nyamara dore ndabereka inzira irushaho kuba nziza.

- 1 Abanyakorinti 14:39 Nuko bene Data, mwifuze guhanura kandi ntimubuze abandi kuvuga indimi zitamenyekana.**
- 2 Abanyakorinti 9:5 Ni cyo cyatumye nibwira yuko nkwiriye kwinginga bene Data abo kumbanziriza kujya iwanyu, ngo babanze gutunganya iby'ubuntu mwasezeranje kera, bibe byiteguwe nk'iby'ubuntu koko bitameze nk'iby'ubugūgu.**

Abanyagalati 5:16-20 Ndavuga nti “Muyoborwe n'Umwuka”, kuko ari bwo mutazakora ibyo kamere irarikira 17 kuko kamere irarikira ibyo Umwuka yanga, kandi Umwuka yifuza ibyo kamere yanga kuko ibyo bihabanye, ni cyo gituma ibyo mushaka gukora atari byo mukora. 18 Arikoniba muyoborwa n'Umwuka, ntimuba mugitwarwa n'amategeko. 19 Dore imirimo ya kamere iragaragara ni iyi: gusambana no gukora ibiteye isoni n'iby'isoni nke, 20 no gusenga ibishushanyo, no kuroga no kwangana no gutongana, n'ishyari n'umujinya n'amahane, no kwitandukanya no kwirema ibice,

Abanyagalati 5:24 Aba Kristo Yesu babambanye kamere, n'iruba n'irari byayo. Abanyaefezi 2:1-3 Namwe yarabazuye, mwebwe abari bapfuye muzize ibicumuro n'ibyaha byanyu, 2 ibyo mwagenderagamo kera mukurikiza imigenzo y'iyi si, mugakurikiza umwami utegeka ikirere, ari we mwuka ukorera mu batumvira. 3 Kandi natwe twese twahoze muri bo dukurikiza ibyo kamere yacu yifuza, tugakora ibyo kamere n'immitima byacu byishakira, kandi ku bwa kavukire yacu twari abo kugirirwa umujinya nk'abandi bose.

Abanyaefezi 4:19 Kandi babaye ibiti bīha ubusambanyi bwinshi, gukora iby'isoni nke byose bifatanije no kwifuza.

Abanyaefezi 4:22-27 bibabwiriza iby'ingeso zanyu za kera ko mukwiriye kwiyambura umuntu wa kera uhenebereza no kwifuza gushukana, 23 mugahinduka bashya mu mwuka w'ubwenge bwanyu, 24 mukambara umuntu mushya waremewe ibyo gukiranuka no kwera bizanywe n'ukuri nk'uko Imana yabishatse. 25 Nuko mwiyambure ibinyoma, umuntu wese avugane ukuri na mugenzi we, kuko turi ingingo za bagenzi bacu. 26 Nimurakara ntimugakore icyaha, izuba ntirikarenge mukirakaye 27 kandi ntimubererekere satani.

Abanyaefezi 5:3,5 Arikoniba gusambana n'ibyonona byose no kurarikira ntibikavugwe rwose muri mwe nk'uko bikwiriye abera, 5 Kuko ibi mubizi neza yuko ari nta musambanyi cyangwa ukora ibyonona cyangwa urarikira, ari we usenga ibigirwamana, ufite ibyo azaragwa mu bwami bwa Kristo n'Imana.

Abanyakolosi 3:5 Nuko noneho mwice ingeso zanyu z'iby'isi: gusambana no gukora ibiteye isoni, no kurigira no kurarikira, n'imyifurize yose ari yo gusenga ibigirwamana,

- 1 Abanyatesaloniki 2:5 Ntitwigeze kuvuga ijambo ryo gushyeshya nk'uko mubizi, cyangwa ngo tugire urwiyerurutso rwo kwifuza inyungu muri mwe. Imana ni yo dutanze ho umugabo.**
 - 1 Abanyatesaloniki 4:3-7 Icyo Imana ishaka ni iki: ni ukwezwa kwanyu no kwirinda gusambana, 4 ngo umuntu wese muri mwe amenye gutegeka umubiri we wezwe ufile icyubahiro, 5 mudatwarwa n'irari ryo kurigira nk'abapagani batazi Imana, 6 kandi ngo umuntu wese areke kurengēra cyangwa kuriganya mwene Se kuri ibyo, kuko Umwami wacu ahōra inzigo y'ibyo byose nk'uko twabanje kubabwira no kubahamiriza. 7 Imana ntiyaduhamagariye kwanduzwa, ahubwo yaduhamagariye kwezwa.**
 - 1 Timote 3:3,8 utari umunyi wa vino cyangwa umunyarukoni, ahubwo abe umugwaneza utarwana, utari umukunzi w'impiya, 8 Kandi n'abadiyakoni na bo ni uko: bakwiriye kuba abitonda, batari intereganya cyangwa abamenyereye vino nyinshi bakifuza indamu mbi,**
 - 1 Timote 6:9,10 kuko abifuza kuba abatunzi bagwa mu moshya no mu mutego, no mu irari ryinshi ry'ubupfu ryangiza, rikaroha abantu mu bibahenebereza bikabarimbuza. 10 Kuko gukunda impiya ari umuzi w'ibibi byose, hariho abantu bamwe bazirarikiye barayoba, bava mu byo kwizera bihandisha imbabaro myinshi.**
 - 2 Timote 2:22 Nuko uhunge irari rya gisore, ahubwo ukurikize gukiranuka no kwizera n'urukundo n'amahoro, ufatanije n'abambaza Umwami wacu bafite imitima iboneye.**
 - 2 Timote 3:2 kuko abantu bazaba bikunda, bakunda impiya, birarīra, bibona, batukana, batumvira ababyeyi babo, indashima, batari abera,**
 - 2 Timote 3:6 Kuko muri bo harimo abagabo bomboka mu mazu bakanyaga abagore batagira umutima, baremerewe n'ibyaha, batwarwa n'irari ry'uburyo bwinshi,**
 - 2 Timote 4:3 kuko igihe kizaza batazihanganira inyigisho nzima, ahubwo kuko amatwi yabo azaba abarya yifuza kumva ibibanezeza, bazigwiriza abigisha bahuje n'irari ryabo,**
- Tito 2:12 butwigisha kureka kutubaha Imana n'irari ry'iby'isi, bukatwigisha kujya twirinda, dukiranuka, twubaha Imana mu gihe cya none**
- Tito 3:3 Kuko natwe kera twari abapfapfa tutumvira kandi tuyobagurika, turi mu bubata bw'irari ribi n'ibinezeza bitari bimwe, duhora tugira igomwa n'ishyari, turi abo kwangwa urunuka, natwe twangana.**
- Abehebureyi 13:5 Ntimukagire ingeso zo gukunda impiya ahubwo mujye munyurwa n'ibyo mufite, kuko ubwayo yavuze iti "Sinzagusiga na hato, kandi ntabwo nzaguhāna na hato."**
- Yakobo 1:14,15 Ahubwo umuntu wese yoshywa iyo akuruwe n'ibyo ararikiye bimushukashuka. 15 Nuko iryo rari riratwita rikabyara ibyaha, ibyaha na byo bimaze gukura bikabyara urupfu.**

Yakobo 4:1-5 Mbese muri mwe intambara ziva he, n'intonganya ziva he?

Ntibiva ku byo mwishimira bibi, birwanira mu ngingo zanyu? 2 Murararikira ariko nta cyo mubona, murica kandi mugira ishyari ariko ntimumushobora kunguka, muratabara mukarwana nyamara ntimumuhabwa kuko mudasaba, 3 murasaba ntimumuhabwe kuko musaba nabi mushaka kubyayisha irari ryanyu ribi. 4 Yemwe basambanyi, namwe basambanyikazi, ntimumzi yuko ubucuti bw'iby'isi butera kwangwa n'Imana? Nuko rero umuntu wese ushaka kuba incuti y'iby'isi, aba yihinduye umwanzi w'Imana. 5 Mbese mutekereza yuko ibyanditswe bivugira ubusa ngo “Umwuka uba muri twe urararikira ukagira n'ishyari”?

- 1 Petero 1:14 Mube nk'abana bumvira, ntimwishushanye n'irari mwagiraga kera mukiri injiji.**
- 1 Petero 2:11 Bakundwa, ndabahugura ubwo muri abasuhuke n'abimukira, kugira ngo mwirinde irari ry'umubiri ry'uburyo bwinshi rirwanya ubugingo.**
- 1 Petero 4:2-4 ngo aherekko amare iminsi isigaye akiri mu mubiri atakigengwa n'irari rya kamere y'abantu, ahubwo akora ibyo Imana ishaka. 3 Kuko igihe cyashize cyari gihagije gukora ibyo abapagani bakunda gukora, no kugira ingeso z'isoni nke, n'izo kurarikira no kunywa inzoga nyinshi, no kugira ibiganiro bibi no gusinda, n'imigenzo izira cyane y'abasenga ibishushanyo.**
- 4 Basigaye batangazwa n'uko muri ibyo mudafatanya na bo gushayisha no gukabya ubukubaganyi nka bo bakabasebya,**
- 2 Petero 1:4 Ibyo ni byo byatumye aduha ibyo yasezeranije by'igiciro cyinshi, bikomeye cyane kugira ngo bibatere gufatanya na kamere y'Imana, mumaze guhunga no gukira kononekara kwazanywe mu isi no kwifuza.**
- 2 Petero 2:3 Kandi irari ryabo rizabatera gushaka indamu kuri mwe bababwiye amagambo y'amahimbano, ariko iteka baciriwe ho uhereye kera ntirizatinda, no kurimbuka kwabo ntighunukira.**
- 2 Petero 2:9-19 Umwami Imana izi gukiza abayubaha ibibagerageza, no kurindira abakiranirwa kugeza ku munsi w'amateka ngo bahanwe, 10 ariko cyane cyane abagenda bakurikiza kamere, bamazwe no kurarikira ibyonona bagasuzugura gutegekwa. Ni abantu bahangāra nta cyo batinya, ni ibyigenge ntibatinya no gutuka abanyacyubahiro, 11 nyamara abamarayika nubwo barusha abo bantu imbaraga n'ubushobozzi, ntibahangāra kurega abo banyacyubahiro ku Mwami Imana babatuka. 12 Ariko izo nyamaswabantu zimeze nk'inyamaswa zitagira ubwenge koko, zaremewe gutegwaa no kwicwa batuka ibyo batazi, amaherezo bazarimbukira buheriheri mu byonona byabo, 13 bahabwe ingaruka yo gukiriranirwa kwabo. Bakunda kwidamararira ku manywa, abo ni ibizinga n'inenge bishimira ibihendo byabo bagisangira namwe ibyiza. 14 Amaso yabo yuzuye ubusambanyi ntahaga ibyaha, bashukashuka ab'imitima idakomeye bafite imitima yamenyerejwe kurarikira ibibi, ni abo kuvumwa.**

15 Baretse inzira igororotse barayoba, bakurikiza inzira ya Balāmu mwene Bewori wakunze ibiguzi byo gukiranirwa, 16 ariko ahanwa ubugome bwe ubwo indogobe itavuga yavugaga ijwi ry'umuntu, ikabuza ibisazi by'uwo muhanuzi. 17 Abo ni amasōko akamyē kandi ni ibihu bijyanwa n'inkubi y'umuyaga, barindiwe umwijima w'icuraburindi 18 kuko bavuga amagambo akakaje yo kwihimbaza, bashukashuka abari mu ihunga ryo guhunga abagenda bayobye, babashukashukisha irari ry'umubiri n'imigenzo y'isoni nke. 19 Babasezeranya umudendezo nyamara ubwabo ari imbata z'ibiboze, kuko icyanesheje umuntu kiba kimuhinduye n'imbata yacyo.

2 Petero 3:3 Mubanze kumenya iki, yuko mu minsi y'imperuka hazaza abakobanyi bakobana, bakurikiza irari ryabo,

1 Johani 2:15-17 Ntimugakunde iby'isi cyangwa ibiri mu isi. Umuntu nakunda iby'isi, gukunda Data wa twese ntikuba kuri muri we, 16 kuko ikiri mu isi cyose ari irari ry'umubiri ari n'irari ry'amaso, cyangwa kwibona ku by'ubugingo bidaturuka kuri Data wa twese, ahubwo bituruka mu isi. 17 Kandi isi irashirana no kwifusa kwayo, ariko ukora ibyo Imana ishaka azahoraho iteka ryose.

Yuda 1:11 Bazabona ishyano kuko bagendeye mu nzira ya Kayini, bagahomboka birukanka batirinda, bakiroha mu cyaha cya Balāmu bohejwe n'ibiguzi, bakarimbukira mu bugome bwa Kōra.

Yuda 1:15-19 kugira ngo agirire bose ibihura n'amateka baciriwe ho, no kwemeza abatubaha Imana bose ukuri kw'imirimo yose yo kutubaha Imana bakoze batubaha Imana, n'amagambo yose akomeye abanyabyaha batubaha Imana bayitutse." 16 Abo ni abitotomba n'ababubura bagenda bakurikiza irari ryabo, akanwa kabo kavuga amagambo atumbyemo agasuzuguro, bubahira abantu kubakuraho indamu. 17 Ariko mwebweho bakundwa, mwibuke amagambo yavuzwe kera n'intumwa z'Umwami wacu Yesu Kristo, 18 uko zababwiye ziti "Mu gihe cy'imperuka hazabaho abakobanyi bagenda bakurikiza kwifusa kwabo kunyuranye n'iby'Imana." 19 Abo ni bo bazana kwirema ibice, ni abantu buntu ntibafite Umwuka.

Ibyyahishuwe 18:14 (Kandi imbuto umutima wawe wifuzaga zigukuweho, n'ibintu byose biryoha neza n'ibisa neza bigushizeho, ntibazabibona ukundi.)